

آبونه عمرانی : هر یر ایچون
سنه لکی (۴۰۰) آلتی ایلتی
(۲۲۵) ممالک اجنبیه ایچون
سنه لکی (۴۵۰) ، آلتی آیلتی
(۲۵۰) غروشددر .

نسخه سی ۷,۵ غروشددر .
سنه لکی ۵۲ عدددر .

اداره خانه : باب عالی جاده سنده
رشید افندی خاندنه

اخطارات
آبونه بدلی پشیندر .

مسلكه موافق آثار مع المنونیه
قبول اولنور . درج ایدلنه
یازیلز اعاده اولماز .

والله یهدی من یشاء الی صراط مستقیم

باش محرر
محمد حاکف

صاحب و مدیر
اشرف ادیب

آدره من تبدیلندمه آریجه
• غروش کوندرملیدر .

مکتوبلرک امضاری واضح
واوقوناقلی اولسی وآبونه
صره نومروسی محتوی
بولونسی لازمدر

ممالک اجنبیه ایچون آبونه
اولانلرک آدرسلرینک
فرانسزجه یازلسی رجا اولنور .

پاره کوندرلدیکی زمان نهیه
دائر اولدینی بیلدیرلسی
رجا اولنور

اتبعون اهدکم سبیل الرشاد

الکشاف

شماره ۱۳۳۰

هندستان بر نظر

۲

مولانا محمد قاسم نامنده بر صاحب مہمک سعی وغیرتیلہ ۱۲۸۲ء تأسیس اولونان (دیوبند) کلیہ سنک ایلک فعالیتی، ذکرہ نمایان ایلک عملی تشبہ، بورادن نشأت ایدن طلبہ نک «ثمرۃ التریہ» نامیلہ بر جمعیت تأسیس ایدرک هندستان داخلہ حلول ایتلری، مولانا محمد قاسمک حمایتی آلتندہ ۲۹۳ عثمانی روس محاربہ سی مثالبیلہ تورکیہ منفعتہ اعانہ جمع ایتلری در. بواعانہلر محمد حسین نامندہ بر مرخص مخصوص ایلہ درسعادتہ کوندریلش، واو زمانک حرب قهرمانی بولان غازی عثمان پاشا حضرتلریہ تسلیم اولنمشدر. غازی مشارالہک کوندریلن اعانہ قبول ایتدیکی زمان تأثرندن آغلادیفی وھند مرخصنک آلتندن اوپدیکی ھند مسلمانلری میانندہ بوکونہ قدر روایت اولنمقدہ در.

۱۲۹۸ء ده مولانا محمد قاسم حضرتلری وفات ایدنجہ دیوبند کلیہ سنک امر اداره سی مولانا رشید احمد عھدہ سنہ تودیع اولنمشدر. بو محترم ذات کلیہ نک تدریساتہ فوق العادہ اعتنا ایلہ بر جوق شعبہلر کشاد ایتش، ساحۃ علمیہ بھوک بر فعالیت وترقیات کوسترمش، فقط افکار سیاسیہ جھتی بر مدت عطالتہ محکوم ومسلك اساسیسی برخیل زمان خللدار ایتش در.

بالآخرہ ۱۳۲۰ سنہ سندن اعتباراً دیوبند کلیہ سنک اداره سی (شیخ الھند) نامیلہ معروف مولوی محمود حسن عھدہ سنہ تودیع اولنمشدر. کلیہ شیخ الھندک اداره سنہ کچرکچمز یکی بر تجدد و حیات دورہ سی باشلایور. در حال «ثمرۃ التریہ» جمعی یریہ (جمعیت انصار) نامیلہ بر ہیئت فعالہ میدانہ کتیریلیور. علیکر ایلہ دیوبند آرہ سی تألیف اولنوب فعالاً تشریک مساعی اولونیور. کلیہ یہ تعلیم منوران شعبہ سی علاوہ اولنہرق فوق العادہ بر فعالیت دورہ سنہ کیریلیور. وقارالملک، ذوقور انصاری وشیح الملک حکیم اجل خان حضرتلرینک اشتراکیلہ ذھلیدہ «نظارة المعارف القرآنیہ» عنوانیلہ بر جمعیت کشاد اولونیور، بھوک مقیاسدہ بر مساعی ساحہ سی آجیلیور دیرکن اوصردہ طرابلس غرب۔ ایتالیا وقعہ سی ظہور ایدیور. بونک اوزرینہ شیخ الھند مولانا محمود حسن جانبلی غایت مہم بر بیاننامہ نشرایدہ رک طرابلس غرب وقعہ سنک اھمیتی ومتعاقباً فتنہ لڑک توالیسی ملحوظ بولوندیغنی، نتیجہ اعتباریلہ بتون عالم اسلام ایچون تلافیسی غیر قابل بر فلاکت اولہ بیلہ جگنی مسلمانلرہ اخطار ایتش، ومسلمانلری تیقظ وانتباہ، حرکت و فعالیتہ دعوت ایلہ مشدی. بو بیاننامہ دیوبند ایلہ علیکرک برلشہ رک عملی صورتدہ چالیشمیلری، هر مسلمان فردک وجدانی وظیفہ سی ایقایہ

«بکن بایرام نمازلرنده جامع صغرنده بش یوز، آلتی یوز مسلمان بولنورکن، آلمان مسافرلرمزدن ایکی یوز، اوچیوز ذات بایرامزده حاضر اولورکن، جامعک اھالی بی استیعاب ایدہ مدیکی نظردقته آلتوب داما بھوک بر بنا میدانہ کتیرمک ایستہ تیرکن بو سنہ قرق الی کشیدن عبارت اولان مسلمانلرک برصف تشکیل ایتدی بوجامی صحرای کبیر قادار واسع کوستردی. جامعک بوشلغنی قبونک اطرافتہ طولانان آلمان مسافرلری دہ طولدیرمہ مادی. روحلر منکسر اولدیغنی حالہ نمازہ باشلادق. خواجہ شکری افندینک یرینہ اسکی تورک ضابطلرندن افغانستان ترجائی شکری بک کجدی، وظیفۃ امامتی حقیلہ، امیدک فوقندہ ایضا ایتدی، لکن جامعک بوشلغنی روحلردہ کی تأثراتی بر تورلو ازالہ ایدہ مدی وبو تأثرات جامع اطرافندہ اخذ موقع ایدن معلملرک اکثریسنک کوزلرندن یاشلر آقتدی. برطرفدہ بر ہندلینک کوز یاشلری آقیوردی. برطرفدہ بر تورک ہونکور ہونکور آغلایوردی. برطرفدہ اورال طاغلرندن بورایہ ترک ایدلش بر اسیر چوجوق کبی ایچی چکدرک کوز یاشی دوکویوردی. والحاصل بو احوال روحیہ کبت کیدہ تکمیل مسلمانلرہ تأثیر ایدوب جامع کوز یاشلریلہ مستغرق اولدی. امام افندینک وعظی، خطبہ سی وامل اسلامک نمازی بولہ کوز یاشلری آلتندہ کجدی. نہ ایچون جامع آغلایوردی، نہ ایچون بواھالی بایرام نمازندہ جنازہ دفن ایدن خلق کبی کوز یاشلری دوکیوردی...»

کھلمر سینہ مالرہ، دانسلرہ زھرنیورلر!

بلغار معارف نظارتنک بلغار مکتبلری طلبہ سنہ کوستریلک اوزرہ آلمانیا دن فنی، تاریخی سینہ ماتوغراف فیلملری کتیرتمہ سی مناسبتیلہ اقدام رفیقمز اطفال مسلمینک اخلاق مدھش بر صورتدہ افساد ایتمکدہ اولان بزده کی سینہ مالرہ، دانسلرہ معارف وکالتنک نظر دقتنی جلب ایلہ دیورک:

«بزده دنیادہ هر شینک عکسنہ اولہرق آنالر، بابالر اون یاشندہ کی چوجقلرک اللرندن طوتہرق بولنری سینہ مالرہ کتوربورلر. بو حال سلخخانہ لرہ قوزی سوق ایتکہ بکزہر، حالبوکہ آوروپادہ اون درت یاشندن آشانی اولان چوجوقلری هر سینہ مایہ صوقازلر. جنائی وسوداوی سینہ مالر، کنجلاک ایچون بر زھر مماندر. بز برطرفدن بوزھری یوتیوروز، دیگر طرفندن سوفاق ایچلرندہ کی دانس صالونلرندہ بک فنا حالر وقوعہ کلدیکنی، قیز ارکک اون اوج اون درت یاشندہ چوجوقلرک بو افساد اوچاقلرینہ آلیشدیرلیدیغنی ایشیدیوروز. بر آزدھا غیرت ایدر ایسہک عصری ملترک غالباً آفاق ترابی اولہجفز!»

ریف مجاہد لرلرلک ظفری. — (دہیلی مہیل) غزتہ سنہ (طنجہ) دن ویریلن معلوماتہ کورہ (ریف) مجاہدلی صوک محاربہ لردہ اسپانوللری (سیدی مسعود) دن بوسکورتمشلر و (۳) بھوک طوب، (۲۰۲) ماکیئہ لی تنک، (۶۰۰) تنک، (۴۰۰) قاطر اغتنام و (۴۵۰) اسپر آلمشدر.